

The Electronic *Manipulus florum*
www.manipulusflorum.com

Angelus n (2)
cum fonte primo

Ve nobis! Si quando
prouocati sancti angeli peccatis et negligenciis
nostris, indignos nos iudicauerint presencia
et uisitacione sua,

et
quorum presencia protegere nos
et propulsare poterat inimicum.
Quod si tam necessariam habemus
familiaritatem dignacionis angelice,
cauenda est nobis eorum offensa
et in hiis minime exercendum
quibus eos nouimus oblectari.
Hec autem placent eis
que in nobis inuenire delectant
ut est sobrietas, castitas, paupertas, uoluntaria,
creber in celum gemitus. Et

super hec omnia ueritatem et pacem
a nobis exigunt.

Bernardus ibidem (in sermone de angelis).

Vae enim nobis,
si quando prouocati peccatis et negligentiis
nostris, indignos nos iudicauerint praesentia
et uisitacione sua,
ut iam necesse habeamus et nos plangere et
dicere cum Propheta: AMICI MEI ET PROXIMI MEI
ADVERSUM ME APPROPINQUAVERUNT
ET STETERUNT, ET QUI IUXTA ME ERANT
DE LONGE STETERUNT, ET VIM FACIEBANT
QUI QUAEREBANT ANIMAM MEAM,
elongatis nimirum eis,

quorum praesentia protegere nos
et propulsare poterat inimicum.
Quod si tam necessariam habemus
familiaritatem dignacionis angelicae,
cavenda nobis eorum offensa,
et in his maxime exercendum,
quibus eos nouimus oblectari.
Sunt autem plurima quae eis placent et
quae in nobis inuenire delectant,
ut est sobrietas, castitas, paupertas uoluntaria,
crebri in caelum gemitus, et
orationes cum lacrimis, et cordis intentione.
Attamen
super omnia haec unitatem et pacem
a nobis exigunt
angeli pacis.

Bernardus Claraeuallensis, *Sermones in
commemoratione Sancti Michaelis*, 1.5 (SBO 5,
J. Leclercq, C.H. Talbot, H.M. Rochais eds.,
p.297, ll.10-21).